

Boško Tomić

1. Pitanje postavljeno Vijeću ministara BiH - „Kada će Vijeće ministara BiH donijeti pravilnik o upotrebi mobilnih telefona na nivou ministarstava i agencija, u kojem će biti precizirani, odnosno limitirani, kao i ko ima pravo na korištenje mobilnog telefona na teret institucija?“
2. Pitanje postavljeno Zajedničkoj službi Parlamentarne skupštine BiH – „Zašto se poslanicima koji dolaze na sastanke dešava da ne mogu parkirati vozila na službeni parking, nego nas vraćaju na privatne parkinge koji su dalje od zgrade Parlamenta?“
3. Od Stručne službe zatražio da urgira za dostavu odgovora na ranije postavljena pitanja:
 1. Pitanje postavljeno na 19. sjednici Predstavničkog doma, održanoj 19. januara 2012., upućeno Ministarstvu finansija i trezora BiH:

„Pitanje se odnosi na realizaciju novčanih sredstava po HiPERB projektu. Kao što je poznato, riječ je o doniranim sredstvima Vlade Grčke iz ranijeg perioda. Ovim sredstvima rekonstruirana je današnja zgrada Vijeća ministara BiH, odnosno Zgrada prijateljstva između BiH i Grčke. Osim toga, dio ovih sredstava bio je namijenjen za rekonstrukciju Opće bolnice Kasindo u Istočnom Sarajevu. Na osnovu podataka do kojih sam došao, znam da po osnovu tog projekta u Budžetu BiH trenutno ima 4.160.171 KM neutrošenih namjenskih sredstava za potpunu realizaciju HiPERB projekta. Moje pitanje je – zašto kasni realizacija ovog projekta i zašto se sredstva stalno prenose i ostaju neutrošena, ako znamo da se, u skladu s članom 14. stav 7. Zakona o finansiranju institucija BiH, ova namjenska sredstva mogu tretirati kao višegodišnja kapitalna ulaganja i nije bilo prepreka za njihovu realizaciju i u situaciji kada Budžet institucija BiH za 2011. nije bio usvojen? U sklopu odgovora tražim da mi se dostavi detaljna informacija o realizaciji sredstava po ovom projektu, od zaduženog HiPERB koordinatora.“
 2. Pitanje postavljeno na 23. sjednici Doma, održanoj 16. februara 2012., upućeno Ministarstvu vanjske trgovine i ekonomskih odnosa BiH:

„Da li su izbori u privrednoj komori izvršeni u skladu sa zakonom i da li je okončan postupak pred sudom?“
 3. Pitanje postavljeno na 26. sjednici Doma, održanoj 19. aprila 2012., upućeno Vijeću ministara BiH i Ministarstvu vanjske trgovine i ekonomskih odnosa BiH:

„Šta Ministarstvo vanjske trgovine i ekonomskih odnosa BiH preduzima i šta će preduzeti, naravno u saradnji s drugim nadležnim institucijama, prvenstveno u svjetlu provođenja sporazuma CEFTA i Odluke o zaštiti domaće proizvodnje od prekomjernog uvoza, kako bi se ova pokrivenost uvoza izvozom od 19% popravila i adekvatno kontrolirao uvoz svih vrsta pića u BiH, s ciljem zaštite i podrške domaćih proizvođača?“